### <<南田画学>>

#### 图书基本信息

书名:<<南田画学>>

13位ISBN编号: 9787805740256

10位ISBN编号: 7805740259

出版时间:1992年8月

出版时间:古吴轩出版社

作者: 恽格撰,朱季海辑

版权说明:本站所提供下载的PDF图书仅提供预览和简介,请支持正版图书。

更多资源请访问:http://www.tushu007.com

#### <<南田画学>>

#### 内容概要

#### 叙录

二十馀年前余次《南田画学》,凡四篇: 一神趣,二画理,三家法,四名迹,皆南田语。

夫神用象通,趣归物表,此画学之要,因以名篇。

序居第一,如振裘得领矣。

馀三易晓,循文可知。

《瓯香馆集》、《南田画跋》、《瓯香馆法书》外,颇杂取丛帖及题画诸作,去伪存真,删剟复重,有削无笔,片言只字,著所从来,考其异同,咸有出处,以《记秋山图始末》、 《恽氏说画小记》终焉。

虽未敢谓尽得精英,庶几粗就条理,维风可观也。

余谓南田殆一代完人,譬如圭壁性有质,其见于诗书画者,其英华之自外可知者欤?

《易》云:"美在其中,发于事业,"南田身经世变,遭遇非常,犹以三绝自见,其流传海外,照灼寰中者,益人神智,所在见珍,孰云身与运闭,无可知之情哉?

或曰:南田舍山水而取草木,以让石谷,无乃避重就轻,捐大图细欤?

曰:何为其然也?

今所有南田山水合作,无不神锋秀异,灵气往来,意匠天然,都无行迹,其自得于天人之际者,石谷所不能到,观其自题或云"人间有此境,不问之造化且不能知,何论先匠?所造如是,又谁与让"老子云:"夫唯不争,故天下莫能与之争,"予于南田山水亦云。

其为花卉,与王忘庵同时,忘庵亦一时好手,虽许恽能画,犹以为薄,则知之末尽矣。

夫五铢之衣,云胡不薄?流风回雪,何以为厚?造化有此奇,南田有此笔,观其运毫,时入化境,心手两忘,何论厚薄。

必若所云,是梁楷之空烟无际,曾不如公超之五里雾矣,论画如此,复何取乎?

且南田尝病当时写生家多宗其没骨花图,一变为秾丽俗习,以悦世目,故亟称宋人澹雅一种,欲使脂粉华靡之态,复还本色,此良工苦心,忘庵解人,亦偶失弗察欤?盖一时率尔之言,以应仓卒之间,设能异日举似,虽忘庵亦将爽然自失耳。

或曰:南田少日尝受教于其从父向,其画于香山何如?曰:"香山翁盖于北苑三折肱矣,但用笔全为雄劲,未免昔人笔过伤韵之讥,犹是仲由高冠长剑初见夫子气象,此南田自道,亦可谓智过其师矣。

《清史稿》笔墨猥杂,乖谬时有,未为良史,然于《恽格传》云:"格人品绝高,写生为一代之冠,私淑者众,然不能得其机趣神韵,惟乾隆中华嵒号为继迹。

"斯为善鉴,是知十步之内,必有芳草,虽清史卑卑,犹不乏史才也。

昌黎之文,或以为能起八代之衰,及为《画记》,记事而已,非能记画也。

《记》云:"明年出京师,至河阳,与二三客论画品格,因出而观之。

"赵侍御外,未知其二三客为何等,要其论画品格者妙处不传,安见其能记画哉?

南田不以文名,世徒称其三绝而已。

余观其《记秋山图始末》,画奇,遇奇,人奇,事奇,使无南田灵异之笔记之,又安能三百年后,犹 彪炳人间,光彩夺目乃尔邪?

文本缘画而作,初无意与文士争名,直知之深,好之笃,故言之如此其真切动人也。

艺有独诣,情有独至,遂成此古今记画未有之奇,昌黎可作,犹当以此事推袁耳。

《恽氏说画小记》,见《砚山斋杂记》,商略唐宋元明四代,离合南北二宗,辞约义精,知微而论, 虽非恽笔,要属亲闻,因全取二记附焉,以备一家之学。

清初画苑, 娄东虞山, 人才辈出, 其始未尝不津逮云间, 其盛乃后来居上。

惟于画学,实未能越华亭樊圃,南田继起,近取香山,则无其肤郭,旁求思白,则汰彼华辞。

澄怀观道,妙造自然。

研精名迹,心知其意。

寻微之功,独立自悟。

于是常州画学,非复云间所能范围矣。

# <<南田画学>>

毗陵故多君子,代有逸才,丹铅既毕,予将从而问矣。

一九八六年十一月十八日书于初照楼

### <<南田画学>>

#### 作者简介

朱季海,章太炎弟子,现居苏州。 著有《《楚辞解故》等。

恽格,(1633-1690)清代画家。 字寿平,又字正叔,别号南田。

为"清初六家"之一。

代表作品有:《梧轩图》、《仙圃丛华图》、《秀柯修竹图》、《林居高士图》、《禹穴古柏图》等

著有《南田诗草》、《欧香馆集》、《南田画真本》、《南田集》等。

# <<南田画学>>

#### 版权说明

本站所提供下载的PDF图书仅提供预览和简介,请支持正版图书。

更多资源请访问:http://www.tushu007.com